

յայտ արար զկամս միարանաց Ս. Յակոբայ . զրեցաւ հրովարտակ ըստ ինդրանաց նոցին : Վախճանեցաւ Թէոդորոս Պատրիարք Երուսաղէմի յամի Տեառն 1761 . 'ի վերջն Դեկտեմբերի, վարեալ զիշխանութիւն Պատրիարքութեան իւրոյ ամս իբրեւ 10 : Եւ միարանք արարեալ նմա փառաւոր յուզարկաւորութիւն , թաղեցին սպտուով 'ի վանս Ս. Փրկչի :

Գ Լ Ո Ւ Խ Ժ Ա .

Կարապետ վարդապետ Գանձակեցի : Ժառանգք վախճանեալ միարանաց : Հակոտակութիւն Յունաց : Կուտակալն Դամասկոսի : Այլազգիք Արոնի : Նորոգութիւնք վանօրէից : Վախճան Կարապետ Պատրիարքի :

ԶԿՆԻ ննջման Թէոդորոս Պատրիարքի Խորենացոյ , նստաւ յԱթոռն Երուսաղէմի նա ինքն Կարապետ Եպիսկոպոս Գանձակեցի , մին 'ի գլխաւոր միաբանաց Ս. Յակոբայ՝ ըստ Կտակի Հանգուցելոյն , որպէս աւանդի 'ի Պատրիարքական Պէրաթն , 1170 :

Սա ինքն Կարապետ 'ի 18 ամաց Հասակին իւրոյ եկեալ էր 'ի քաղաքն Եւզոպիա , ուր հանգեաւ 'ի Բրիտտոս բարեպաշտ մայր նորին , և 'ի նմին ժամանակի Թէոդորոս վարդապետ եկեալ էր անդ 'ի Նուիրակ , եւ Կարապետ ընկերացեալ նմա՝ եկն յԵրուսաղէմ՝ յաւուրս Գրիգորի Շղթայակրի (1734) , ուր սնեալ վարժեցաւ յուսումն աստուածային գրոց , ըստ տանելոյ ժամանակին և ձեռնագրրեցաւ վարդապետ , առաքեցաւ 'ի Նուիրակ յԱկն , եւ ապա 'ի կողմանս Բումէլիայ . և մինչ էր 'ի քաղաքն Բիլի՝ լուաւ զմահ Գրիգորի Պատրիարքի , և յաջորդ նորին Յակոբ Նալեան կացոյց զնա Փոխանորդ 'ի Կոստանդինուպօլիս , ուր վարեաց զպաշտօնն զայն զամս 6 : Եւ 'ի լինիլ զժառութեան և վիճին 'ի մէջ միաբանաց և Թէոդորոս Պատրիարքի , միաբանք ամբաստանեցին զԹէոդորոս առ գլխաւորս ազգին 'ի Կոստանդինուպօլիս , և նոքա առաքեցին զԿարապետ վարդապետ յԵրուսաղէմ իբր Նազր , ընկերա-